

中国边疆研究资料文库·边疆史地文献初编

西南邊疆

第三輯

中国边疆研究资料文库·边疆史地文献初编

西南邊疆

第三輯

明實錄摘抄（廣東）

明實錄摘抄（廣東）

政治

一、行政設置

（洪武二年春正月戊申）……置廣東海北鹽課提舉司。提舉從五品，同提舉從六品，副提舉從七品。吏目省注，計廣東提舉司所屬十四場，歲辦鹽四萬四千六百三十一引有五奇。北海提舉司所屬十五場，歲辦鹽二萬七千九百二十二引有奇。

每引重四百斤。《太祖實錄》卷38)

(洪武二年三月)己酉，以封州之封川、開建二縣隸德慶府，陽山縣隸連州，尋並封州於新州、桂陽州于連州。《太祖實示》卷40)

(洪武二年三月癸醜)改英德州爲縣，隸韶州府。《太祖實錄》卷40)

(洪武二年夏四月甲戌)……割廣東新州之新興陽江、循陽春三縣隸肇慶府，

罷連州，以所轄陽山、連山二縣隸韶州府，罷梅、循二州，以所轄龍川、長樂、興寧三縣隸惠州府，程鄉縣隸潮州府。

（《太祖實錄》卷41）

（洪武二年六月）戊子，以廣西海南、海北府州隸廣東省。（《太祖實錄》卷43）

（洪武五年正月甲戌）置廣東衛都指揮使司。（《太祖實錄》卷71）

（洪武七年十一月壬戌朔）改廣東欽、廉、高、化四府爲州，革安

遠、合浦、茂明、石龍四縣。（《太社實錄》卷94）

（洪武八年冬十月）癸醜，以在外各處所設都衛並改爲都指揮使司……廣東都衛爲廣東都指揮使司，置廣州左、右二衛指揮使司……（《太祖實錄》卷101）

（洪武九年夏四月甲午）……改廣東

德慶府爲德慶州，革所屬端溪縣隸肇慶府，複高州爲高州府，改化州爲化縣，並吳川、石城二縣俱隸高州府，改欽州爲縣，屬廉州，以廉州隸雷州府。（《太祖實錄》卷105）

（洪武十二年八月乙酉）梧州府同知郝修言：“兩廣之間地多溪洞，瑤壯雜居，不時出沒爲患，宜於險要之地增設巡檢司。從之。（《太祖實錄》卷126）

（洪武十三年十一月）庚戌……復置……廣東廣州連山縣……（《太祖實錄》卷134）

（洪武十四年三月）丁亥，複置各道提刑按察司，並寫各道按察分司……廣東爲分司三，曰雄潮，曰慶高，曰雷瓊……（《太祖實錄》卷136）

（洪武十四年夏四月）革廣東海北鹽課司。（《太祖實錄》卷137）

（洪武十四年夏四月甲申）改陽山縣
爲連州，尋複置陽山縣隸之。（《太祖實錄》
卷137）

（洪武十四年五月）丁亥，……化州
隸高州府……以吳川、石城二縣隸化
州……又置茂名縣，隸高州府……（《太
祖實錄》卷137）

（洪武二十二年二月）乙巳，革廣東
惠州府興寧縣稅課局。（《太祖實錄》卷

195)

(洪武二十五年九月乙酉)先是，各按察分司所分巡按地方多有未當，至是命都察院六部官會議更定，凡四十八道……廣東四道曰嶺南道，曰潮陽道，曰海南道，曰海北道……（《太祖實錄》卷220）（洪武二十九年十月甲寅）改置天下按察分司爲四十一道……廣東三道，曰嶺南道，治肇慶、南雄、韶州、廣州、潮州、

惠州六府……曰海北道，治高州、廉州、雷州三府……（《太祖實錄》卷247）

（洪武三十五年八月丙寅）增設……廣東陽山縣西岸、星子二巡檢司……副巡檢各一員。（《太宗實錄》卷11）

（永樂元年八月丁巳）上以海外番國朝貢之使附帶物貨前未交易者，須有官專至之，遂命吏部依洪武初制於……廣東設市舶提舉司，隸布政司，每司置提舉司一

員，從五品，副提舉二員，從六品，吏目一員，從九品。（《太宗實錄》卷22）

（宣德六年十一月）甲子，初，監察禦史陳搏巡按廣東還，奏：“各處關津衛所撥軍把截，皆洪武中設置，本以盤詰奸回，乃假公務私，邀阻行旅，需索財物。凡有徵調，把截之軍悉得避免，且把截之處，多置於附城或近巡檢司，無益而有害，請令三司從公勘實，可革者革，可置

者置，當仍舊者仍舊，俱於所在巡檢司分撥弓兵守把，庶革積弊。“上命巡按禦史及三司覆勘。至是覆奏搏言誠是，遂從之。（《宣宗實錄》卷84）

（正統二年十一月己醜）設廣東雷州府徐聞縣遇賢巡檢司。（《英宗實錄》卷36）

（正統八年五月甲戌）設廣東高州府化州梁家沙巡檢司……（《英宗實錄》卷104）
（正統九年五月）丁巳，革廣東韶州府

英德縣河泊所。（《英宗實錄》卷116）

（正統九年五月乙巳）複設廣東肇慶府四會縣稅課局以本縣奏覆設之便也。（《英宗實錄》卷116）

（正統九年六月己卯）設廣東歸善縣碧甲巡檢司、陽江縣海陵巡檢司，各置巡檢一員，徙海豐縣平安馬驛於茶亭鋪，新會縣沙村巡檢司於崖山，吳川縣泗州巡檢司於茂名，更加博茂巡檢司，從按察使郭

智言也。（《英宗實錄》卷 117）

（正統九年八月己未）革廣東神電衛稅課局。（《英宗實錄》卷 120）

（正統十三年二月壬申）命……廣東新會縣設大瓦口巡檢司，置巡檢一員……。

（《英宗實錄》）卷 163）

（景泰二年九月丁巳）廣東電白縣立石驛爲賊所焚，有司請移于雙石鋪前。從之。（《英宗實錄》卷 208）